

四庫全書存目叢書編纂委員會編

齊魯書社

四庫全書存目叢書

集部

第二六六冊

責任編輯：孫言誠 賀 偉

ISBN 7-5333-0615-5



LIBRARY

四庫全書存目叢書·集部二六六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 52 印張

1997 年 7 月第 1 版 1997 年 7 月第 1 次印刷

印數 1--100

ISBN 7-5333-0615-5

Z·60 集部定價：127800 圓

集部第二六六冊目次

集部·別集類

雲川閣詩十四卷詞六卷

〔清〕杜詔撰
中國社會科學院文學研究所藏清雍正刻本

..... 一

閻邱詩集六十卷味蔗詩集三卷

〔清〕顧嗣立撰

北京圖書館藏清康熙刻本（卷三十八至卷四十八卷五十七至卷六十未刻
用南開大學圖書館藏清道光二十八年刻本配補）

..... 一六六

李鷺洲詩集二十卷文集十卷

〔清〕李茹旻撰

江西省圖書館藏清乾隆十三年刻本

..... 五七四

雲川閣詩十四卷詞六卷

〔清〕杜詔撰

中國社會科學院文學研究所藏清雍正刻本

附《四庫全書總目·殘本雲川

閣詩集九卷》提要

或看翡翠蘭苔上未掣鯨魚碧海中少陵之詩先生少陵之苗裔也其爲詩綵情體物風流綺靡類出入於義山飛卿之間或疑其不宗守少陵家法而沾沾取法溫李得毋蘭苔翡翠之誚歟余應之曰雲川之能爲溫李也正其善守少陵之家法者也宋王介甫云學杜當自義山入而前輩虞山馮定遠亦云讀山谷詩嚴硬槎枒殊不耐看若從義山入則都無此病近數十年來學者多思託足於宋元外爲新奇怪愕之狀而內不免於空疎鄙俚之失其說往往尊西江而陋西崑不知西江之詩麤才枵腹皆可以襲取而形似而西崑之詩非於古人之書沉浸醲郁含英咀華不能工也少陵之詩曰王楊盧駱當時體不廢江河萬古流又曰別裁僞體親風雅轉益多師是汝師今世之所爲新奇怪愕者皆學杜之僞體也中晚之有溫李猶初盛之有王楊其合於風雅之旨一耳今人但訾蘭苔翡翠之非而不信江河萬古之是棄風雅而論別裁烏在其爲善學杜者乎雲川之詩無學杜之面目而有學杜之神爽與介甫定遠之論有深契者年來功力益深風格益上有鯨魚碧海之奇而兼蘭苔翡翠之秀此真爲善守少陵之家法者已雲川風被凌雲之遇入禁近官館閣填詞樂府

流布海內近益以古文倡道後學余因論次雲川之詩
并連類及之雍正乙巳三月卑里同學愚弟楊繩武拜
葉

會汾侍吾師雲川先生有年竊窺先生詩格凡數變其
集亦隨時而名少作則蘭茗小嶼詩被命入都後則
春明夢草館選後則瀛壖別稿乞假歸養後則在陬集
半樓集業已鏤版行世比復重加芟薙益之以渡淮草
白門艸浙東游草匡廬遊草歷下餘吟淮遊草起康熙
癸酉訖雍正辛亥前後凡四十年都爲一集總名之曰
雲川閣詩而命汾爲之序何人乃敢序先生詩哉然
辱先生知愛每聞先生之論詩專主性靈要歸風雅則
知先生之所以爲詩大指亦不出乎此先生自幼得嚴
中允蕩漁指授嘗受知於宋中丞漫堂及被

雲川閣集

主序

一

聖祖仁皇帝恩遇甫成進士官庶常尋引退林居放浪
山水因益肆力乎詩古文詞而詩尤益工且富吾邑自
有明三百年來作者林立實惟蕩漁先生秋水一集爲
風雅之宗而先生是集足以繼之始則原本西崑後復
出入少陵及高岑王韋卓然成一家言然先生雅不以
此自多是集斟酌去取多質之平昔諸游好即以汾之
謏陋先生不鄙其無似而辱教之汾竊韋風雅之道之
蔚然復興得以附名簡末是以承先生之命不敢以不
文辭也辛亥秋七月門人王會汾謹序

附東委書

蔣汾功再拜言雲川先生足下前數歲命作半樓記迄今尚未報近又重以大集敘益不果足下勿謂僕有所怪也僕文於無情者不能作於情深者亦或不能作非不能也難乎其稱焉爾僕耳足下名甚久居京師始一相識後因同出三原楊公之門吾兩人性既相近又辱師門之誼益相得也先師既沒吾兩人誼益重相去百里不可合併每一會晤輒忻然忘寢食足下慈孝行於家敦行信於朋友為文宗歐陽子詩逼西崑倚聲為小詞亦出入南宋諸名家甚矣足下人與文俱進于古也

雲川閣集 書

古者賓相見則賦詩以見志其所為詩不自己出也因古人以為志耳矣其在己也不恥于不能其在人也不嫌于相襲惟其稱焉爾僕自度于古人無能為役然好以古人繩墨自裁往往時嘗代荆門少宗伯胡公作序一通宗伯見之稱引不容口然內顧其文頗有愧於其言以知己故再三欲存之然卒棄去今足下將取吾不足存之文以弁於首奚為哉抑吾兩人交誼必藉是而引重也既不能承命又多其說以自文茲益愧矣言不逮意幸蒙亮察

雲川閣集 詩一

古近體一百二十三首 起康熙癸酉訖甲申

無錫 杜 詒 紫綸

拈唐宋人軼事屬華子山繪圖八幅各系短章

六 存

天寒正飛雪誰貫旗亭酒淪落三詩人名傳眾伶口雙鬢始發聲一唱盡頰首玉笛不分明春風怨楊柳好道亦云晚求名良自勞身遊貴主第曲度鬱輪袍佐酒極歡宴跌宕餘風騷如何凝碧池絃管愁雲漱秋月一何白秋江一何清不聞琵琶語如奏琵琶聲裂

雲川閣集

詩一

帛那成曲纏頭空復情豈無青衫淚落在琵琶亭紅杏幾枝春風流呼小宋十年矜史筆名與歐陽重明燭槃華容豐貂暖香夢一笑謝相公寒釐憶曾共何來方山子豪氣無與儔怒馬驚獨出嬌娥喜偕遊紅妝成小隊射獵西山頭晚遯光黃間可望不可求穩載一蓬雪梅花散煙景恍聞吹笛聲暗香落疎影盈盈碧袖歌側側青衣冷如何白石仙春風教獨領

石湖春曉曲

越來溪頭太湖尾一片冥濛曉煙裏日光浮動波鄰鄰亂翦鮫綃散霞綺豔微靡迤一鏡中妝成髮鬢青翠點

鴛鴦豔錦相間紅百花開盡吳王宮吳宮花落烏棲樹
可笑鴟夷獨容與一舸飄然從此去苧蘿人對東風語

陽羨采茶歌

天子未嘗陽羨茶百卉不敢先開花玉川此語非矜誇
至今蚤擷催山家山家忙殺采茶女禿袖長衫小雲髻
社日纔過逢穀雨亂插花入山去入山女伴遙相望
華确山路尋微茫廟前廟後人跡少半陰半晴蘭氣香
幾簇旗槍幾叢綠紫筍未吐金牙長采采止盈掬官家
輸不足歲貢罷銅官何須龍鳳團生小山中作茶戶絕
勝農人並樵父附葛攀蘿敢辭苦朝暮空山但愁虎

雲川開集

詩一

五

和元人十臺詠

姑蘇臺

臺空紫石剩荒邱在紫石山風景還堪一望收四面盡如花
裏住六宮齊向鏡中遊香生綠黛春風輦露洗紅蕖夜
月舟却笑越王臺尚在鷓鴣飛去不回頭

章華臺

楚歌楚舞向誰誇太史徒傳楚世家開國自來傳筆路
築臺何意號章華山迴巫峽分青靄潮謁葵陵擁白沙
爲弔飢魂釐澤畔雙蛾愁殺斷腸花

朝陽臺

見說高唐事杳冥仙安石幻誤傳聞有情眼底皆如夢
何處山頭不是雲蚪木曳煙凝楚岫蔓花飛雨濕湘裙
嫣然一笑東家子朱粉應憐著幾分

黃金臺

伯業銷沉等劫灰黃金照耀獨名臺兵連五國收燕地
力借羣豪始郭隗豈在一時能雪恥直令千載感憐才
於今淩落風塵客猶是紛紛向北來

戲馬臺

戲馬元來楚故鄉鴻溝還記各封疆儘教率土歸劉氏
剩有斯臺與項王一戰快心惟鉅鹿三分失策在咸陽
雲川開集 詩一 五

如何蓋世英雄氣獨爲虞兮泣數行

歌風臺

乃公馬上竟如何千古荒臺客尚過雞犬故鄉留地窄
煙雲萬鳥著天多韓彭縱死猶生氣離泗交流少定波
爲望中都亦豐沛飛揚無復大風歌

望思臺

博望通賓禍始基釀成巫蠱事生疑可憐鳩里逋逃久
不道鴻臚感悟遲木葉秋風愁絕處金莖曉露夢同時
湖城相望歸何日亦似神仙未可期

銅雀臺

東風野火亂紅塵瓦落鴛鴦漳水濱
鄴下風流誰是主
西陵歌吹絕無人月沉冰井寒香鏡
花散華林薄錦茵
何似誰東起精舍讀書秋夏獵冬春

凌歊臺

鐵馬金戈欲暮年埽平關洛定南燕
倉皇草澤羣雄散
破碎江山半壁全誰奉赤書需傳亮
自乘黃屋笑桓玄
不知當日層臺上歌舞能消幾社錢

鳳凰臺

鳳來不記是何朝鳳去詩人久寂寥
安得狂才驚落筆
更攜仙子對吹簫勢凌絕巘朝看兩
地通長江夜聽潮

雲川閣集

詩一

四

六代興亡何足數孝陵松柏也蕭蕭

酬嚴瀉漁先生一絕句

敢云內翰與分司先生許余近詩云以杜分司之俊爽發韓內翰之幽咽
人豔體詩安得天然去雕飾一編秋水是吾師先生集名秋水

兩泊吳閭送春同顧梁汾先生作

六宮花老淚臙脂點點殘紅墜晚枝
自是東風無著處
本來西子有歸時錦帆冷落青簾舫
玉管闌珊白苧詞
雙漿綠波留不住半塘煙柳雨如絲

秦淮曲

我今客秦淮秦淮時已暮官柳何蕭
蕭桃葉秋風渡渡

頭風亂生吹笛蘆花汀誰倩小伶歌
悽絕不可聽金粉
六朝盡豔曲歸江令文采數前朝風
流及時盛士女雜
鉛華江山重掩映新亭送客愁舊院
催妝竟玉釵垂髮
鬢繡幙圍網緼酒盡青溪社詞翻白
練裙百年人恍惚
昔夢今消歇夾岸冷紅燈當樓閒素
月月明淮水寒忍
再卷簾看娟娟石城下留照馬湘蘭

蚤發

雞聲催蚤發風緊驟揚舲擁被餘殘
夢披衣尚曉星柳
煙昏夾岷人語出孤汀從此征途遠
才過十里亭

過泰山

雲川閣集

詩一

五

重重危磴石嶙峋策馬行遲踏細塵
側帽山光看欲落
盪胸雲氣辨難真三春社鼓燒香日
一路風燈納稅人
七十二君封禪後文明天子又東巡

白溝河

遼宋分疆是白溝百年盟好重綢繆
燕幽不道開邊釁
童蔡何曾爲國謀一寸山河憐破碎
十香詞句擅風流
投鞭遮莫金人笑狼籍西湖粉黛愁

曉次琉璃河

鈴聲斷續煙迷離盤紆石路高復低
據鞍登頓滑馬蹄
踏殘曉月明琉璃琉璃光燦天始曙
一碧涵空漾春樹

翠密蒙茸不知處兩兩驚鵲自飛去范石湖詩瑞璣河上看驚鵲

薊門雜詩十首

羈心增百感飄泊況逢秋木葉桑乾脫風聲画角收名
都今宛洛絕塞古燕幽不少黃金客常教悔薄遊
薊北風霜日江南橘柚時歸期殊未得旅况竟如斯蕭
瑟悲秋賦飄零哭母詩春暉仍戀戀寸草有餘思
搔首憑誰問含淒忍放歌青雲看浩渺綠鬢笑蹉跎素
米長安住攤書竟日過朱門絲管靜清絕似巖阿
幽賞無多地閒園窄徑斜有時凭石檻隨意數秋花墻
角風生竹檐前雨沸茶卷簾還看画能使客忘家

雲外閑集

詩一

六

公子誠投分心期良不違倣襄千里去從獵幾時歸沙
磧羊腸險邊亭獸肉肥九門饒朔氣有客賦無衣
偶出郊原外徘徊夕照間長臨玉泉水遙睇翠微山內
苑皇州色西風客子顏健兒驅馬疾得意射鵬還
天壽諸陵在無人去采樵夕陽多古刹秋草半前朝蟋
蟀吟衰颯鼙鼓叫寂寥百年桑海異何暇問金遼
每向青門望長從白塔過晚煙宮柳重秋意景山多細
雨愁金管涼颼冷玉珂寒驢無住著旅館近如何
入夜蕭齋掩淒清不可論孤吟羣慮澹獨坐一燈昏客
淚無端落家書滿篋存擁衾秋正冷爐火待重溫

羣馬正悲鳴中含感栗聲滿城天欲曉殘夜月猶明閱
世身安託還家夢不成整衣枯坐久低首念平生

聞雁和博將軍問亭

涼颼颼颼帶他鄉聽得南歸一雁翔細數雲山千萬疊
暗驚絃柱十三行飛鳴可怕施矰繳飲啄還愁犯雪霜
莫放月明思婦覺夜深含淚剪秋裳

次韻簡姜西溟先生二首

諸詠無傷讀楚辭修名不立歎何遲心參涑水分修史
學邃遺山獨論詩邸舍漫邀通夕語天涯幸作比鄰時
時以比鄰詩屬和多因問字相過數風雨秋燈入夢思

雲外閑集

詩一

七

紛紛大馬共高車羞澀風塵策蹇驢彈鋏無心耽旅食
望雲何處認吾廬誰誇一藝能名世爲念三生未卜居
手不停披吟不絕退之休上相公書

次顧敬亭韻送分齋先生扈從北征時予將南

歸兼以誌別

欲別君歸且送君驚心飛檄屢傳聞身隨豹尾占烽火
路繞龍堆逼陣雲鴉背夕陽空一片馬前春色欲三分
離歌唱徹從軍樂爲望帷宮蚤策勲

○寄園餞別次敬亭韻

曾陰漠漠塞雲垂烽燧遙傳鼓角悲知己一尊分手處

離家三月落花時羽林宿衛年何少博陸封侯事未遲
此去邊亭破殘賊凱歌遙慰故人思

別家大司馬秀水先生

烏有鳳兮魚有鯢蒼天碧海同飛翻籬籬之鷄尺澤鯢
瞻望弗及徒心煩憶昔遊邀向京國愧我微才受公識
別公五載復謁公故我依然少顏色於乎括髮遭母喪
千里告哀公太息載拜乞一言庸以章母德大章辱公
賜悲感淚盈臆寸心怏怏走踈蹢不敢復戀京華春荷
公拳拳告公別願公令名常日新世說祁公守清介豈
知武庫饒經綸獨典樞機運籌密八荒久矣無風塵小
雲川閣集 詩一

歸來

擾擾經年作遠行歸來門巷色淒清老親熟視孺身瘦
稚子遙迎覺面生雨濕征衣兒女淚春夢草草弟兄情
夜闌輾語重簾下再剔殘燈說鳳城

顧倚平自城南復歸涇里悵然有懷兼示中以
居如秦贅悵花前倚平贊於華氏贈婦詩多顧彥先浪跡縱教
歸故里吟情應復戀菰川曉簾最憶消魂語余與倚平時共填詞

春水聊同聽雨眠中以有聽雨船詞可歎蕭條家壁立臨叩酌
酒倩誰憐

向與顧施渚朱贊皇華子山偕諸同人社集今

忽忽十年惟子山時一晤對贊皇留滯燕臺諸
同人如晨星落落而施渚則墓已宿草矣追憶
舊遊感賦

曩昔宴遊好頗盡平生歡平生得良友築壘摩騷壇涇
卑佳公子風格追建安結交巖穴士磊落輕儒冠終歲
偕我遊訪我城南端素侶相因依日夕恣盤桓放浪開
好懷差覺宇宙寬時一扁舟因風所微瀾亦復理雙

雲川閣集

詩一

九

屐登歷山噴阮撫松朧雲臥嚼蕊甘霞餐司必乘青螭
長嘯和鳴校書山閣中滿目青琅玕悅澤愛春花芬
馥盈秋蘭各隨性所翫淋漓一濡翰新詩故可喜脫手
驚彈丸落紙互欣賞遠近多傳看方期百年內揚華蔚
成觀何意晨風飄零落明星殘蓬居感塊處噫吁抱長
歎流光去若駛綠鬢愁欲斑中酒兼懷人四顧長漫漫
朱生客朱郎雜沓從金鞍華子隱巖谷獨對空山寒回
首事猶昨聚會良已難清歌不再理玉軫誰復彈恍聞
山陽笛能勿生悲酸

理散帙得顧景行先生庚午歲暮寄懷詩泣然

賦此

先生才大遇坎珂先生於世無一可顧我骯髒歌倚聲
濫竊吹噓重揚簸無音瑣碎何足云漫勞齒頰還餘芬
惘恍迷魂招不得鮑家詩唱空秋墳篋中揀得舊詩草
脫落蠅頭楷舊小悲君末疾廢管城口授阿咸成此豪
拂拭多時吟未了雨閣雲沉殘月曉中有曉風殘月柳
青卿滄雲閣雨陳
之句

懷嚴先生蕩漁

得賦歸田後焚香只閉門詞妍韓內翰筆妙趙王孫與
世無纖染投詩必細論病中書一冊珍重百年存先生
為余

雲川閣集

詩一

十

作楷書一冊跋尾云病不能書於茲六年矣
子非不知其不能聊為他日存故人餘蹟耳

懷華先生滄江

一臥滄江晚狂歌亦自豪儘教夢遠但放笑聲高老
去餘青鬢閒來試彩毫城南諸後俊還仗主風騷

懷顧先生梁汾

久作安昌客相憐是戴崇名緣才子重心賞小詞工山
閣遙分翠花茵碎落紅紫微清夢覺彈指一聲中先生
自號
彈指
詞人

△送鄒可遠同華漢長之休寧張懋和之揚州華
馭調之儀真于九之浙東

之子各言別殘杯盡此宵一帆瓜步雨二月浙江潮客
路俱綿邈山城半寂寥春風愁獨立煙柳小紅橋

惠山泉烹陽羨茶歌

九龍山泉出山骨不放中冷名第一荆南四月采茶來
紗帽籠頭品奇絕鬪茶公子弄春泉井旁攬石何涓涓
片甲先抽穀雨前適與茲水相新鮮拂拭筠爐手親煮
鬚絲扶起春深煙春深院落悄無喧松濤沸耳醒晝眠
火紅松子水微穀蟹眼細碎魚眼圓半甌綠泛色輕淺
一煎香浮意深遠風生習習肌骨清金盞玉鱠無餘腥
為憶山人傳好句湘水秋聲陽羨雨王孟端惠山竹爐
詩氣蒸陽羨三春

雲川閣集

詩一

十

雨聲帶湘江兩岸待箋水注補茶經不數盧仝和陸羽
秋為卷中絕唱

宋漫堂先生惠漁洋綿津二家詩賦謝

束髮嗜聲詩冥搜竟何用豔體泥徐陵妍辭眩蕭統觸
目紛葳蕤舉手難拈弄小鳥語啁啾何由識鸞鳳商邱
宋夫子詩名以人重浩渺歎綿津漁洋相伯仲瑤華辱
嘉惠焚膏坐吟諷溯源自風騷沿流及唐宋大筆何淋
漓苦心重磨礱標格故雋上精采各飛動碧海掣長鯨
波瀾竊驚恐噫吁笑女郎山石句堪風願下涪翁拜蟻
穴破昏夢冷然神骨清含毫墨痕凍

八月十四夜虎邱雨後

滿街羅綺笑傾城一片濃熏逐隊行雨洗山林歸本色
夜闌歌板出新聲花間得月當樓滿樹底飄燈隔水明
獨上可中亭上坐徧身風露欲寒生

橋李

橋李城荒失舊基夫椒相望重淒其須知一戰强吳日
已盡三年報越思麋鹿故宮悲伍相鴛鴦秋水夢西施
幾絲煙雨冥濛處過客還題弔古詩

西泠雜詩

有序

丁丑秋九月家詒穀招集湖舫同遊者爲邵氏諸昆
二峰豫鍾克大暨祝矜刪華子山舍姪鳴山共余八

雲川閣集

詩一

主

人時屆深秋湖山澹沲雖風景寥落而歌吟笑呼有
足樂者已而飲散湖濱獨余與子山鳴山留宿孤山
之酒樓次日復耀小舟過放鶴亭弔岳墳尋蘇小墓
窮天竺韜光諸勝復信宿靈隱山房流連憑眺凡三
閱日得七言斷句十六首皆隨感隨作都無倫次云
珠簾画舫一攜尊權向平湖感浪痕好景六橋須記取
曉風吹過湧金門

十里空濛一望間澹妝濃抹露煙鬟画看人試青螺黛

時詒穀就
婚於邵

好寫西湖鏡裏山
無多綺麗著人思况值涼秋九月時桂子荷花早零落

尊前誰唱柳卿詞

猶是笙歌競繞堤湖光黯澹草萋迷香山別後看山去
才子無多莫浪題

小試霜毫蘸墨纖墨痕狼籍漬青衫坐中年少烏衣客
偏是秋光得大凡

克大有勝侶宜頻集
秋光得大凡之句

湖心亭畔再維舟得被勾留便欲留最好酒闌歌板歇
兩三人宿水邊樓

寺寺鐘聲聽不眠小樓人起半湖煙爲看朝旭湖邊立
五柳居前喚渡船

一羣白鶴自梳翎處士梅花冷翠屏豈是山林終寂寞

雲川閣集

詩一

主

就中新構御書亭

趙家粉黛盡南都聚景園荒徧綠蕪輦路東風誰復認
遊人還說賽西湖

只今何事感興亡腸斷秋風白雁行瓦落宮牆聞蟋蟀
分明猶怨賈平章

弔罷于墳拜岳祠黃龍未搗誤班師雖云忠愍孤忠苦
猶見南宮復辟時

行來細路石嶙嶒鬼火冬青樹裏燈爲問鳳凰山脚下
何人一弔宋諸陵

油壁青驄事杳冥細風吹雨入西泠可憐歌斷黃金縷

翻出新聲唱小青

小隊蠻裝望若雲秋衣一翦離濃熏風迴繡幃香車過
無復當年上馬裙

冷泉亭上試新茶信宿還來袖子家中有小樓三面竹
卷簾紅葉半山花

重重樓閣繞臨安躡屐何煩立馬看獨上北高峰頂望
浙江潮湧海門寒

行見月

昨負良宵遊誰家明月樓華燈夜市過細雨春江愁暝
上新齋金丸落行舟

集

詩一

南

舟次鄧尉山步月梅花下

春風木蘭櫂日落輕帆卸迤邐來名山好天復良夜散
步陟山坳明月萬峰射老梅千百本縱橫雜桑柘遠近
香微茫疎密樹低亞澹絕靚妝人輕寒濕羅帕瘦煙弄
春碧玉魂與俱化水精欲眠夢抱月鈞闌下

讀書草菴同高若黎潘師仲陸龍光

綠鬢年華歎無幾踰登十年場屋裏漫教抗手欲擎雲
三寸雞毛提不起文章何處哭秋風江頭颯颯吹芙蓉
粉痕淺澹易憔悴春來復見桃花紅尋花浚谷共三子
素心晨夕忻相從一編焚夾紙窗破半龕佛火雲山重

妙香生處清如許灑灑山泉雜山雨禪板沉沉共僧語
折脚鐺邊夜煨芋

黃尊古將入都夜半訪余山寺詩以送之因寄
懷分齋先生

山中白日罕人跡中夜何來款關客客云理策向京華
送客出山山徑黑松風吹衣火明滅欲別中情轉悽惻
同是梁園舊日賓嗟我孤吟面空壁憑君寄語賢主人
三載離思寸心積冀北淮南渺何極迢遞雙魚斷消息
昨聞扈蹕征西回由簿前頭烽燧熄笑指金貂脫臂鞬
天子方今賜顏色君於富貴故澹然慎勿耽閒薄官

集

詩一

幸

職家十衛霍功宗社終須股肱力侍從從容有餘
暇掃地焚香還讀易絹擘鵝溪紙蠶繭與客濡毫共朝
夕應憐山館人寂寥細雨春燈耿相憶

。同梁汾先生登貫華閣觀成進士容若三十小
像感賦二絕句并示鄒可遠

此照還同此閣存幾人能唱憶王孫風流休數鴛鴦社
只是傷心阜菴屯鴛鴦社成公密室
阜菴屯其菲處也

宛然側帽影徘徊成公詞
名側帽彈指韶華老淚垂誰取沉香
熏小像十年流落一香可遠有香
着亭詞

大捷詩八首學使磁州
張公命賦

義馭方中日功成蚤晏如殄殲三逆後休養卅年餘小
腆何頑梗神威倏剪除古來沙磧地萬里共車書

千戈當載戢車駕重親征飛旆關山險鳴鑾道路平

鯨鯢驚殞命組練盡弭兵此日膚功奏誰邀勒石名

羽檄憶紛馳張皇整六師戈矛羣奮日宵旰獨憂時轉

粟莊浪衛連營花馬池神功平北後下詔問瘡痍

六飛時命駕萬騎數臨邊銳意誅蠹賊何心廣幅幘百

年烽火息四月凱歌旋輦路風光好官花簇錦韉

拜舞臣民共風聲遠近同八荒尊廟略一德獎元功

賜酒葡萄綠廣詩芍藥紅未應歌杖杜還爲奏彤弓

雲川閣集

詩一

夫

僉曰非人力邊塵指顧收戍樓閒鼓角戰士謝兜鍪誰

上安邊策奚煩借箸籌從今荒徼外不用更防秋

塞北餘氛靖天南被澤長未聞驚斥堠豈復困輸將雨

洗江河潤風清草樹香家家春酒熟唯是樂豐穰

載筆來多士穹碑蚤勒勲我師非黷武天子更崇文

燕喜歸豐鎬鸞聲噓藻芹願言歌在泮獻馘永無聞

紅梅和邵昞園用東坡元韻二首

存

鶴頂生憐破萼遲臙脂乍點薄寒時穠纖易得牽情夢

冷澹休誇絕世姿琥珀太多微沁頰芙蓉新寡暗消肌

却妝仍結羅浮夢不犯紅塵笑荔枝

梅花謝後同曉園用義山潭州韻簡懷詒穀

江城吹笛遠浮空誰遣魂銷一曲中殘夢依稀開紙帳

故香狼籍澹煙叢月明乍返南湖擢花落深憐昨夜風

爲問采山亭子上巡簷索笑幾人同

送華大年隱垣之金陵次唐四臣哉韻

又送君兄弟春風次石頭遲回分手意寂寞對門愁共

憶扁舟夜相逢鎖院秋秦淮無恙好涼月水明樓

訪朱竹垞先生不遇奉懷二首

存

迢迢十年內不一見先生竊欲師風雅猶聞記姓名飛

揚終未已偃蹇竟何成安得凌雲賦今來問長卿

雲川閣集

詩一

夫

相訪不相值煙邨淨綠蕪門閒楊子宅人住輞川圖別

港斜通市平橋遠帶湖從來茆屋趣勝似玉堂無

次韻積書巖牡丹二首

存

人間兩無負名士與名花彩筆傳香夢紅羅散綺霞儘

教驚絕豔無事著紛華第一難忘句風流帝子家

帝子家梁汾先生詠牡丹句也

由金山放舟至焦山家大兄次陵因作金焦二

山圖命題即用東坡先生煙江疊嶂圖韻

我兄愛畫工畫山隨形潑墨流雲煙含毫變化出新意

或師米芾或巨然家住九峰之下二泉側生平未識第

一中冷泉朝來鼓柁渡揚子江流瀟漫如平川金山絕頂罷登眺開帆直抵焦山前兩峰屹立縹緲間左江右海蒼茫天海門日出照嵯峨平開曉鏡呈鮮妍朱方殺氣盡消歇不煩弔古悲桑田潮回鐵甕絕奇處佳遊樂在承平年興酣落筆恣揮霍圖成山色何娟娟妙高臺迴金碧耀海雲堂偃蛟龍眠天機所到在筆先賦詩却少東坡仙自知未脫塵土氣焉得與兄共結江山緣豁我雙眸疊煙嶂願披長幅歌長篇

○隋堤曲

隋堤一帶官河口不種桑麻種楊柳錦帆帝子數巡遊

雲川閣集

詩十

木

厭住東京樂奔走將兵西域再征遼呼韓稽顙諸番朝江都宮監伺顏色翡翠玻璃恣雕飾水晶殿揭珠簾開香風吹送飛仙來凭肩笑語能幾迴夢遊恍惚吳公臺吳公臺下雷塘路野土茫茫亂煙樹傷心爲弔玉鈞斜柳色昏黃不知處

揚州五絕句錄一

繡簇交衢鬧市聲荒涼豈復舊蕪城却憐南國香消盡懊惱春風過客情爲歎平陳伯業休迷樓灰燼冷仙遊小東門去文樓巷猶記維摩舊選樓

空尋螢苑并雞臺曳履何從拾翠來金甌玉階煙草沒土花凝碧繡莓苔

吟殘豆蔻客無聊寂寞無人按玉簫二十四橋何處是澹煙疎柳認紅橋

綠波環繞幾人家十里香濃菡萏花不道舊遊零落後玉人還唱浣溪紗王阮亭先生有紅橋遊記及浣溪紗倡和詞

初夏同劉丈沛然鮑丈南侯過滄江先生齋分韻得姿字

白日長如此清談未厭時人因閒有味花亦澹無姿竹粉沾衣袂茶煙颺鬚絲愛吟翻閣筆爲補送春詩

雲川閣集

詩一

木

虎邱同侯槃辰華子山訪山陰戴隱君南枝

共理登山屐兼停訪戴船誅茆容大隱宿草泣高賢賣字非徐侯齋往事空禾黍傷心只杜鵑塵襟聊一洗清挹第

三泉

吳江晚泊

晚來風稍急且一駐孤蓬漁火水邨外櫂歌煙靄中潮生初上月帆落到垂虹悵悵吹簫客無因喚小紅

櫻桃曲

百果叢生百花老果熟櫻桃春薦蚤滿樹珊瑚綠雲罩葉底鶯含朱實小園敞葡萄敕賜多酒醉醺醺摘來少

月明光爛赤瑛盤嘉宴還傳曲江曉君不見荔支盧橘
盡露恩畢竟輸他顏色好

楊梅三首

隨意拈來浣指尖怕沾衫袖裏纖纖色如醉纈疑肌紫

味便酸心沁齒甜瓊液幾曾輸越荔玉盤何待穆吳鹽

月廊香入吳山夢好句邨南和子瞻蘇詩南邨諸楊北村盧又夢繞吳山

却月廊楊梅
盧橘覺猶香

同華協采讀書長壽菴因簡令弟馭調令姪葵

儀暨陸璇玉朱若猷

城南數同學華子最天真兄弟憐衰鬢文章老故人鄰

雲川閣集

詩一

手

鐘晨自省禪榻夜相親忍棄千時策蹉跎悞此身

○雨後望新綠和惠濟蒼

一帶氈氈綠山痕閒雨痕有人來來麥隴無處辨花邨林

氣含煙濕溪流背日昏好風吹不定細草亂柴門

邨寺

人語斷孤邨秋風破寺門再來尋往蹟一爲弔香魂有

淚空花盡無情老樹存佛燈今夜裏夙業懺慈恩

小窗話舊三首

小窗人共對絮語數當時拂硯臨書細開奩約鬢遲解

聽新度曲喜誦晚唐詩錦瑟何心理華年不自知

紈扇驚秋蚤篝燈愛夜長金梭拋織錦玉指耐縫裳細

刺鴛鴦繡濃熏噀吟香夢輕綃帳薄碧簾透新涼

最憶傷情處金風咽素秋苦吟黃葉寺香夢木樨樓閒

作經年別頻添永夜愁柔腸牽去住無路覓封侯

九月十五日山中社集以張承吉惠山寺詩泉

聲到池盡山色上樓多小洞穿斜竹重階夾細

莎爲韻分得階字

夫以繡嶺龍從漪瀾澹池開徑則窩蟠鳳谷臨池則

水湧金蓮小閣秋聲王舍人之畫壁層樓山色張處

士之題詩因溯前朝緬懷往事人如洛下蹟擬西園

雲川閣集

詩一

主

故足點綴山林托揚風雅爾乃銷沉歇絕不勝感慨

係之然白社雖墟而碧山無恙鸞輿再幸實增泉

石之光鶴夢多閒可結煙霞之侶脫二三前輩能爲

大雅扶輪便零落同聲猶望小山承蓋於時鄒子聖

俞暨令弟泰和孟氏雙珠蘇家連壁欲樹騷壇之旗

鼓共訂蘭交爲尋勝賞於林巒旋携桂權飛觥鬪畢

正當落翠蕭辰劈素分牋却補題饒韻事問十老於

濯纓亭下自是春申飲馬之墟假九龍爲落雁峰頭

可無謝朓驚人之句各分一字並賦短章

木落瘦蒼厓菊花猶繞階清秋正佳日高興來吾儕况